



Gabinete Wever - Croes II

ISLA ((•)) NLINE

Diabierna 4 Maart 2022

Email: IslaOnline@gobierno.aw Tel: 528-4952

NOTICIA DI GOBIERNO



20
22

AÑA DI
INVERSION Y
OPORTUNIDAD



PROME MINISTER EVELYN WEVER-CROES A RICIBI BISHITA DI E CONSUL NOBO DI REPUBLICA DOMINICANA



Prome Minister a reuni cu e Consul General di Republica Dominicana sr. Pedro Ventura, durante un bishita di introduccion di e consul nobo na Prome Minister. E consul nan ta resorta bou di Ministerio di Asuntonan General y pa e motibo aki, nan ta haci nan bishita introductorio na Minister President.

Consul General di Republica Dominicana sr. Ventura y Prome Minister Wever - Croes a papia riba diferente aspecto relaciona cu e colonia Dominicano estableci na Aruba. E colonia aki ta estableci pa hopi tempo caba y ta forma gran parti di nos poblacion. Un otro tema cu a papia di dje ta encera puntonan relevante pa e comunidad Dominicana.

Ademas, e consul general sr. Ventura a extende un invitacion na Minister President, pa haci un bishita na Presidente di Republica Dominicana y pa delibera riba con pa estrecha lasonan entre e dos paisnan. Entre otro, pa mira con Aruba por haci uzo di servicionan medico na Republica Dominicana. E pais ta ofrece cantidad di servicio cu por ta mas favorabel pa Aruba y ciudadanonan, considerando cu nan ta apenas 1 ora leu di Aruba,' Prome Minister a splica.

Minister President a duna palabra cu e lo delibera cu su



coleganan Minister riba e tema aki y a sigura cu Gobierno di Aruba ta hopi interesa den estrecha e lasonan aki. ademas, lo institui gruponan di trabou pa por prepara esaki. Terminado, e consul General a gradici Minister President pa su tempo y su atencion.

Prome Minister Evelyn Wever-Croes: FEBRUARI ARUBA A SALI FOR DI OLA NUMBER 5 DI OMICRON


Prome Minister Evelyn Wever-Croes a duna un update riba e desaroyo di Covid-19 pa luna di februari 2022 pa asina duna comunidad di Aruba un bista riba e decision di Gobierno pa elimina e medidanan cu tabata na vigor.

Aruba a habri luna di Februari 2022 cu un total di 288 caso activo y a cera e luna aki cu 57 caso activo. Na comienso di e luna, hospital tabata tin un total di 37 hende hospitalisa di cual 3 tabata den Cuido Intensivo. Na fin di februari 2022, tabata tin solamente 2 hende den hospital y 1 den Cuido Intensivo.

E total di fayecidonan pa luna di februari 2022 ta 6 cual ta un di e cifranan mas abou den un luna cu Aruba a yega di conoce. E total di fayecidonan di juli 2021 – januari 2022 tambe a ser coregi e luna aki.

Prome Minister a indica cu basa riba e cifranan aki, Gobierno a declara cu Aruba a sali oficialmente di ola number 5 y a tuma e decision pa elimina mayoria di e medidanan existente. E unico medidanan cu a keda na vigor ta e medida di ora di dreña Aruba for di biahe. Sea e persona ta ful vacuna cu 3 vacuna pa adulto y 2 pa mucha of e tin cu test na entrada. E di dos medida cu ta na vigor ta e test beleid. Si un persona ta sinti sintoma e lo tin cu bay test, bay den isolacion y esnan den cas of cerca di dje cu no ta vacuna lo mester bay den cuarentena.

Gobierno di Aruba ta gradici tur esnan cu ta teniendo nan mes na e protocolnan y ta pidi tur hende pa sigui cuida. Na e momentonan aki mayoria di e medidanan a ser kita dunando espacio pa tur hende por move mas di loke nan tabata por anteriormente pero ta importante si pa cada ciudadano sigui cuida nan mes contra e virus aki.





Trash 2 Cash:

INVITACION PA TUR CU TIN UN IDEA PA CONTRIBUI NA E MEHORACION DI NOS MANEHO DI DESPERDICIO



Minister di Naturalesa, Sr Ursell Arends a lansa e concepto di Trash2Cash riba 22 di februari 2022. Un fecha cual pa comunidad por facilmente recorda como e comienso di un promesa pa un miho futuro pa ambos maneho di desperdicio, pero tambe pa por logra un economia circular.

Riba e fecha aki a lansa tambe e website www.trashtocasharuba.org.

E meta di Trash2Cash ta pa invita tur compania estableci, pero tambe start-ups y individualnan cu tin un interes of idea realisabel pa procesa un tipo di desperdicio, pa nan aplica y participa den e evento Pitch & Switch cual lo tuma lugar 22 di maart 2022. Pa proteha e propiedad intelectual di tur e participantenan, Minister Arends a segura e Pitch & Switch lo

ta un closed-event, dus e no lo ta habri pa publico.

Despues di e pitch lo publica cierto pidanan (snippets) di e pitch, especialmente e pida di e pitch cual ta destina pa pueblo henter. Importante ta pa segura transparencia den e proceso, y pa comunidad tambe tin e informacion necesario na nan disposicion pa asina ta na altura den ki rumbo nos maneho di desperdicio ta bayendo. Cooperacion di comunidad, ta cuminsa na educacion di comunidad.

"Ta bon pa ta duidelijk cu henter aruba tin un compromiso cu e area di parkietenbos, pasobra nos tur a contribui na e sero di e dump", Minister Arends ta remarca. Tur ciudadano tin un deber civico cu nos compatriotanan di e bario di Parkietenbos, cu nos medio ambiente, y cu nos isla su sostenibilidad.

"Si nos kier berdaderamente paga e candela, nos mester stop di fuel e"

Gobierno di Aruba ta compromete di traha via legislacion hunto cu organisacionnan cu trece ideanan realisabel pa atende cu un (of mas) tipo di desperdicio, y lo sostiene nan plan comercial pa procesa, reduci, reusa of exporta e desperdicio aki via cualquier metodo na disposicion di gobierno di Aruba.

"Hunto cu stakeholders lo traha riba concretisa Aruba su Waste Policy". Si abo of bo organisacion tin ideanan, y ta dispuesto pa procesa tiponan di desperdicio manera: Plastic - Glas - Concreet - Metal - Desperdicio Peligroso - Taira & Rubber - Palet & Palo - Desperdicio di Hardin, nos kier scucha bo idea y kier brinda oportunidad pa hunto realisa mehoracion di nos maneho di desperdicio.

Bishita www.trashtocasharuba.org pa haya sa mas kico ta rekeri pa asina bo tambe por pitch bo idea!

CONTRIBUI
NA E SOLUCION

PITCH BO IDEA

TRASH 2 CASH
Waste Management Solutions

Bo tin un idea cu ta soluciona problema di un tipo di desperdicio na Aruba?

Nos kier scucha bo idea! Aplica Awe!

Ata aki con pa participa na Trash2Cash su **Pitch & Switch**

Traha un video di 2 minuut: Splica nos di bo idea y con e lo yuda reduci/elimina e material di desperdicio pa yega un dump na Aruba, door di sea **procesa, reduci, reuza of exporta.**

Manda bo video y yena e formulario via nos website:
www.trashtocasharuba.org

Gobierno di Aruba ta compromete di traha via legislacion hunto cu organisacionnan cu trece ideanan realisabel, y lo sostene nan plan comercial pa trata un tipo (of mas) di desperdicio.

Nos ta buscando organisacion cu ta dispuesto pa procesa tiponan di desperdicio manera:

**Plastic | Glas | Concreet | Metal | Desperdicio Peligroso
Taira & Rubber | Palet & Palo | Desperdicio di Hardin**

CONTRIBUI
NA E SOLUCION

PITCH BO IDEA

TRASH 2 CASH
Waste Management Solutions

Bo tin un idea cu ta soluciona problema di un of mas tipo di desperdicio na Aruba?

Nos kier scucha bo idea! Aplica Awe!

Ata aki con pa participa na Trash2Cash su evento di **Pitch & Switch**

Traha un video di 2 minuut: Splica nos di bo idea y con e lo yuda reduci/elimina e material di desperdicio pa yega un dump na Aruba, door di sea **procesa, reduci, reuza of exporta.**

Manda bo video y yena e formulario via nos website:
www.trashtocasharuba.org

Gobierno di Aruba ta compromete di traha via legislacion hunto cu organisacionnan cu trece ideanan realisabel, y lo sostene nan plan comercial pa trata un tipo (of mas) di desperdicio.

Nos ta buscando organisacion cu ta dispuesto pa procesa tiponan di desperdicio manera:

**Plastic | Glas | Concreet | Metal | Desperdicio Peligroso
Taira & Rubber | Palet & Palo | Desperdicio di Hardin**

Pa mas informacion of pregunta tocante e pitch por manda email na: info@trashtocasharuba.org



Minister Xiomara Maduro a entrega premio na ganadornan di competencia

KIBRA COCO EDICION DIA DI BETICO 2022

Diahuebs atardi Minister di Cultura Xiomara Maduro a ricibi varios ganador di e competencia Kibra Coco Dia di Betico 2022. E mandatario a gradici tur participante y a felicitanan pa nan participacion den e competencia.

Dia di Betico, 25 di januari ultimo a tuma luga e competencia virtual Kibra Coco edicion Dia di Betico 2022. Esaki ta un programa na television den forma di un quiz cual a consisti di tandanan di pregunta, entrevista y interaccion.

Muchanan di scol basico a participa hunto cu nan famia for di comodidad di nan sala di cas pa por gana premio pa nan mes, nan famia y nan klas. Ademá tabatin e 'Betico Challenge', cual cada mucha di scol basico por a saca un selfie hunto cu su famia hungando 'Kibra Coco' y mande na e programa pa participa y sali e ganador.

Minister Xiomara Maduro a entrega premio na tur e ganadornan cu tabata por tabata presente y a gradicinan pa nan participacion. E ganadornan cu no por tabata presente lo ricibi nan premio riba un otro fecha. Esnan cu a ricibi nan premio a keda masha contento. Un gradicimento special na Setar NV y Domino's Pizza cu a contribui tambe cu premio pa e ganadornan.



Continuacion MINISTER XIOMARA MADURO A ENTREGA PREMIO NA GANADORNAN....





A FIRMA UN MOU CU MINISTERIO DI ASUNTONAN SOCIAL TOCANTE "GEESTELIJK GEZONDHEID ZORG" PA POR TRAHA MAS ESTRECHO CU OTRO



Diahuebs atardi Minister di Turismo y Salud Publico Sr. Dangui Oduber a Minister di Husticia y Asuntonan Social sr. Rocco Tjon cual lo resorta bao di su ministerio awor. Den pasado e departamento aki tabata resorta caba bou di Minister Oduber bou di e cartera di Salud Publico. Durante e prome period di Gabinete Wever-Croes 1 Minister Oduber tabata engarga cu e parti di maneho di adiccion y salud mental pero awor esaki ta cay bou Minister Tjon.

Minister Oduber a papia riba e situacion cu e la hereda na momento cu e la drenta den gobierno vooral den Social Psychiatrische Dienst (SPD), Geestelijke Gezondheid Zorg pa menciona un par. E mandatario a splica cu e la hiba un maneho serio y responsabel den ultimo 4 añanan unda cu a duna atencion poniendo e fondonan disponibel pa mehora e cuido pa esnan cu ta sufri di salud mental y esnan cu ta bringa

adiccion. A traha di serca cu PAHO pa mehora e cuido y a acerca Mental Health Caribbean cu a concretisa e mandatario su vision y mision riba e tereno di salud mental y adiccion.

A enfoka riba un maneho integral di psiquiatria y adiccion, reconociendo adiccion como un malesa mental. Un maneho caminda e cuido ta yega serka esnan cu mester di dje y teniendo na cuenta e necesidad di e cliente. A rebiba e departamento di SPD biniendo cu e FACT Team cu pa prome biaha a enfoka riba e menornan di edad cu ta sufri di salud mental y/of adiccion. E FACT Team ta un team ambulante cu ta yega serca e pashent pa asina duna nan e guia y ayudo den nan contexto. Tambe a aumenta e suma cu por wordo uza pa salud mental atraves di Respaldo, esaki a conoce un aumenta di 5 milyon pa aña (tabata 12 milyon pa aña pa 17 milyon pa aña).

Minister Dangui Oduber a haci hopi trabou pa percura pa mehora e cuido di esnan cu ta sufri di adiccion y salud mental despues di haya un FMAA practicamente bancarota. Minister a institui e tempo ey un bestuur nobo cu a sa di traha duro y logra cosnan grandi pa FMAA. A percura pa mehora e situation financiero, a percura pa tin un maneho y vision unda kier yega. Minister Oduber ta sigur cu Minister Tjon ta bay sigi traha riba e fundeshi cu a ser laga atras y Minister Oduber ta sigur cu Minister Tjon su vision ta cuadra tambe cu esun cu a ser laga atras.

Minister Dangui Oduber ta contento cu a firma e protocol aki hunto Minister Tjon pa asina e Ministerionan por traha mas estrecho cu otro pa asina atende cu e problemanan di salud mental y droga adiccion cu ta dos problema cu lamentabelmente ta afecta hopi di e famianan akin a Aruba.

Minister Dangui Oduber: A REUNI CU QUOTA INTERNATIONAL OF ARUBA RIBA "WORLD HEARING DAY"



Diahuebs ta Dia Mundial di Oido (World Hearing Day) caminda nos ta refleha riba e importancia den e cuidu di nos oido. Den cuadro di esaki Minister di Salud Publico Sr. Dangui Oduber conhuntamente cu Minister-President Sra. Evelyn Wever-Croes a reuni cu Quota International of Aruba.

Den e reunion aki a hiba dialogo riba diferente puntonan di atencion den cuadro di cuidu di oido. Quota International ta existi pa mas di 100 aña mundialmente y nan ta duna asistencia na hende muher y muchanan cu tin dificultad di oido y tambe di comunicacion, tambe nan ta concientisa, educa y informa comunidad con importante e ta pa cuida nan oido.

Minister Oduber a splica nan cu esaki ta cuadra cu maneho di salud caminda ta trahando riba un plan nacional di prevencion y esaki ta cuadra den e vision cu Gobierno tin pa informa e comunidad mas tanto cu ta posibel den e importancia den e

prevencion y cuidu di nan oido. Tambe e mandatario ta bay haci Quota forma parti di e plan nacional di prevencion como un "gesprek partner" hunto cu DVG y demas stakeholders.

Minister Dangui Oduber ta pidi tur hende pa proteha nan oido, bisti un proteccion di oido por ehempel un earplug sibo ta labora den areanan cu zonido duro. E organo di nos oido unaves daño wordo haci na dje, e no ta cura mas, no tin remedi pe, pesey mester cuide semper.

Finalmente Minister Dangui Oduber ta gradici Quota International of Aruba pa tur e trabounan cu nan ta haci como boluntario. Trabounan cu sigur ta yuda Gobierno hopi den e parti di campananan preventivo, concientisacion y educa nos comunidad den con importante e ta pa cuida nos oido.



MINISTER DANGUI ODUBER A LANSA E CAMPAÑA "SA BO NUMBER"



pa tuma iniciativa y nan responsabilidad social, pa midi nan cintura regularmente na cas. Minister a menciona cu ta hopi importante pa educa nos mes den area di movecion, nutricion y yuda otro nan tambe den e oportunidad di por biba un bida mas saludabel. Pa facilita e comunidad y duna asistencia di con pa midi bo BMI y/of haya informacion, DVG a pone un calculator di BMI riba nan website.

E programa aki a wordo realiza danki na e bon cooperacion cu tin entre Ministerio di Salud Publico y Ministerio di Deporte, un danki special na e team di DVG y Ibisa cu a haci esaki posibel. Minister Dangui Oduber ta pidi comunidad pa activa y demonstra na bo ser keri cu esaki ta importante y pa asina hunto traha pa caba cu e stigma rondando e tema aki. Na final e mandatario a wordo demostra con pa tuma su midi y pa e sa su number.

Diabierna 4 di maart Minister Dangui Oduber tabata den conferencia di prensa caminda e la lansa e campaña "Sa Bo Number" riba dia mundial di obesidad ("World Obesity Day"). Esaki ta un dia pa refleha riba obesidad cu ta un problema global cu ta afecta hopi hende na Aruba y rond mundo. E aña aki mundialmente e mensahe importante ta "Everybody needs to act – Tur hende mester actua". Esaki ta netamente locual nos gobernatenan a haci tambe, Departamento di Salud Publico conhunto cu Ibisa a re-inicia un campaña "Sa bo numbernan".

Minister Oduber a splica cu e programa aki ta parti di su maneho di Salud Publico cu ta basa riba prevencion. Tambe e ta parti di e Plan Nacional di Prevencion di malesanan NCD's cu ta wordo realiza door di e stuurgroep cu ta consisti di diferente stakeholders conhuntamente cu PAHO. Ministerio di Salud Publico sa cu e causa di obesidad ta hopi compleho y pa logra un cambio y solucion nos lo mester traha consistente riba consentisacion, educacion y actua hunto pa logra esaki. E meta ta pa a largo plaso reduci e gastonan di AZV door di prevencion.

Minister Oduber a splica cu obesidad por afecta bo salud fisico, mental y emocional. Esaki ta sin lubida di e consecuencianan cu e ta trece cune. Malesanan mas grave cu obesidad por causa na un persona, por ehempel diabetes, colesterol halto y problema cu curason. Pesey den e campaña aki kier enfatisa e comunidad



Dia mundial di bestia y matanan

UN WORLD WILDLIFE DAY CELEBRA DIA 3 DI MAART



Na e di 68 edicion di e Asamblea General di Nacionnan Uni (UNGA), a proclama dia 3 di maart como un dia observa oficialmente pa Nacionnan Uni pa cu dia mundial di bestia y matanan salvahe (World Wildlife Day). Riba e fecha aki, 3 di maart, a firma e convenio di CITES, e Convention on International Trade in Endangered Species of Wild Flora and Fauna.

Aki na Aruba tambe nos ta aplica e convenio. E departamento di Veterinaire Dienst ta esun apunta como e CITES autoridad pa e fauna di Aruba y e Departamento di Agricultura, Cria y Pesca (Santa Rosa) ta apunta como e CITES autoridad pa e flora di Aruba. Nos ley local, Landsbesluit bescherming Inheemse Flora en Fauna (AB2017 No.48), tin un lista di especie cu a pasa door di e procedura di seleccion basa riba CITES. DNM conhuntamente cu Veterinaire dienst a pone e criterionan pa determina e especienan cu lo mester a resorta bou di e ley aki. E sortonan di flora cu ta protegi pa e landsbesluit acuerdo e criterionan di CITES ta entretro: Breba, Breba di pushi, Bushi, Cadushi, Cushicuri, Orkidia di mondi, Tuna, Tuna di colebra, Wayaca macho, Wayaca shimaron y tambe Supi. Algun di e fauna protegi pa e ley acuerdo criterionan di CITES ta: Flamingo, Warawara, Yuana, Calco, Falki peregrino, Cawama, Caret, turtuga blanco, Driekiel, Blenchi esmeralda, Blenchi dornasol.

E tema di e aña aki, "Recupera especienan clave pa restauracion di ecosistemanan", ta enfoca riba e importancia di conserva e condicion di algun di e flora y fauna cu ta den estado critico di menasa. E pensamentonan mester ta dirigi riba solucionnan con pa conserva e especienan aki. P'esey tambe Nacionnan Uni a stipula aña 2021 pa 2030 como e decada di restauracion di ecosistemanan.

Manera a splica, un ecosistema saludabel ta esun cu tin un variedad di bestia y mata cu ta depende di otro. Di cual algun di nan ta di sumo importancia pa e sobrevivencia di otro. Ta referi na e sorto aki como un especie clave, na Ingles Keystone species. Si un di e especienan clave desaparece y caba, ful un ecosistema lo caba. P'esey e accionnan pa proteha especienan

individual mester bay man den man cu e restauracion di e ecosistema. E peticion pa cu e dia mundial aki, World Wildlife Day, ta pa humanidad compromete na e preservacion di e bida di bestia y matanan cu ta un recurso impagabel y ireemplasabel, cu ta beneficia y deleita e generacion aki y esunnan cu ta bin. DNM su maneho ta pa Build with Nature. Cu e maneho aki DNM kier preserva naturalesa den areanan urbano. Esta pa duna naturalesa un man door di preserva un parti pa nos flora y fauna local. Por haya copia di e maneho aki riba nos website dnmaruba.org como tambe e lista di e sortonan protegi.

SDG Dashboard (metanan mundial pa desaroyo sostenibel)
Un di e areanan na Aruba cu ta clasifica como un ecosistema importante pa preservacion di flora y fauna presente ta esun di areanan di matanan di mangel (Mangrove Forrest). E ecosistema aki ta cubri un porcentahe total di 1.15% di e tera na Aruba. Ariba e SDG dashboard, accesibel via e website di DNM, por wak e datonan local cu ta pertenece na e target 15.1 di e SDG#15 Bida riba Tera. Pa locual ta trata e area marino protegi na Aruba, esaki ta 0.3% di nos awa teritorial. E datonan aki ta resorta bou di e target 14.5.1 di SDG#14 Bida di Lama. E ecosistema marino tambe ta di sumo importancia pa humanidad. Tur parti di mundo ta busca pa inspira esfuertonan pa logra e metanan di desaroyo sostenibel. Na Aruba nos tambe ta enfoca ariba e metanan aki.
Feliz dia mundial di bestia y matanan clasifica como bida salvahe.





A REUNI CU FCCA PA SIGUI EXPLORA POSIBILIDADNAN NA BIENESTAR GENERAL PA COMUNIDAD



Recientemente Minister Endy Croes a reuni cu ekipo di maneho di FCCA. Presente ne ocasion tabata Directora Tecnico y Comercial sra. Julie Wever y sr. Giovani Anthony, Director di Finanzas y Asuntonan General.

Durante e reunion ameno a elabora riba e maneho di FCCA, casnan pa nos grandinan cu ta disponibel como tambe a papia di proyectonan deportivo den casnan di pueblo. Tambe ta sondea e posibilidad di con FCCA kisas lo por inverti y di parti di Ministerio di Enseñansa y Deporte como un 'stakeholder' hunto cu esnan encarga percura pa pone terenonan cu ta den

bario cu tin casnan social na disponibilidad FCCA hunto cu Gobierno di Aruba como 'stakeholder' por inverti y desaroya mas tereno. 'Nos lo sigui explora posibilidadnan na bienestar general pa nos comunidad', e Mandatario a finalisa.



Minister di Enseñansa: **PRONTO E SITUACION DI AIRCONAN NA BIBLIOTECA NACIONAL ARUBA (BNA) TA SOLUCIONA**



Ayera tardi Minister Endy Croes a duna aclaracion como tambe pa cumpli cu transparencia riba e inkietud di e airconan di Biblioteca Nacional Aruba (BNA) cu ta resorta bou di Ministerio di Enseñansa. E Mandatario a informa cu e la tuma contacto cu Directora di BNA, sra. Astrid Croes como tambe cu e compania cu a gana e destaho den e caso aki pa por inverti den e airco den 'chiller' grandi. Nos ta papia di dos 'water chiller unit' di 60 ton cada un.

Biblioteca Nacional Aruba tin mester di dos. Ta ekiponan hopi grandi cu tin mester pa coregi e situacion di Biblioteca Nacional Aruba. Minister Endy Croes a sigui bisa manera cu nos a drenta den gobernacion nos a percura pa cana e proceso aki. Desde fin di luna di november di aña 2021 e compania a haci e 'order' como cu ta trata di ekiponan grandi nos a wordo informa tambe unabes 'order' esakinan ta dura por lo menos cuater luna pa nan por traha esakinan y cu posiblemente den luna di april of mei venidero esakinan lo ta na Aruba.

E Mandatario di Enseñansa a sigui bisa cu mientrastanto a tuma otro pasonan cu un compania cu normalmente ta atende

cu e 'unit' aki. E compania mester haci un trabou grandi e siman aki pues Biblioteca Nacional Aruba lo ta cera tanto diahuebs como diabierna. Nos ta premira cu e trabounan lo keda cla den dos dia y pa dialuna pa dilanti Biblioteca Nacional Aruba lo ta habri bek pa publico.

Trabounan cu ta tumando luga awor aki ta pa pleister e situacion aki haci cierto cambianan di converti e sistema cu awor ta traha riba gas R22 cu ya nan no ta bende mas pa un otro tipo di gas. Nos ta pidi poco pasenshi, nos lo corigi den e dianan nos dilanti y pa dialuna Biblioteca Nacional Aruba lo ta habri normal y si tur cos ta bon e airconan lo ta funcionando bek. Probablemente den dos lunanan nos dilanti ta asina leu cu nos lo resolve e problema aki pa e proximo diescincio añanan momento cu e 'unit' grandi traha specialmente pa Biblioteca Nacional Aruba lo yega Aruba. Minister Endy Croes a finalisa bisando; cu nos lo percura pa publica tur informacion, paso pa paso pa asina ilustra y duna contenido tambe na parti di e trabou. Nos a drenta, nos a constata e problema, nos a tuma accion y nos a resolve problema manera nos a bin ta proclama desde inicio.

PITCH EVENT 22.3.22

TRASH 2 CASH

Waste Management Solutions

PLASTIC WASTE

Did you know?

Although by volume, only 15 tons and 6 tons of plastic were received by Parkietenbos in 2019 and 2020 respectively, these figures do not account for all the other plastics that are likely sourced from households, commercial and other activities. Currently, 26.3% of our waste processed and baled at Ecotech is plastic. To understand the magnitude of our use of plastic, before the plastic bag law in 2017, we used to use 30 million of these bags annually – and that's just for one product!

TRASH 2 CASH

GLASS WASTE

Did you know?

In 2019, 137 tons of glass and fiberglass were received at Parkietenbos, and 50 tons in 2020. Glass used as food-contact materials (jars, bottles, etc.) generally come in 3 colors (clear, green, brown) and can be recycled according to color. Glass exposed to hazardous materials, for example lightbulbs, should be separated from the food-contact material streams.

TRASH 2 CASH

CONCRETE & DEMOLITION

Did you know?

Although exact figures of concrete or demolition waste is unknown, the largest volume of waste that reaches Parkietenbos comes from the construction sector, equaling 23,423 tons in 2019 and 14,885 tons in 2020. This is likely a mix of different materials including concrete, metals, plastics, glass, etc. used within the industry.

TRASH 2 CASH

METAL WASTE

Did you know?

Metals are a finite natural resource and are highly recyclable. In 2019, 188 tons of varying types of metals were received at Parkietenbos, and 130 tons in 2020. Aruba currently has the expertise and technology to separate metals and ready these for export (to be recycled and reused as new materials).

TRASH 2 CASH

HAZARDOUS WASTE

Did you know?

Hazardous waste can include several different types and sources, for example paint, used motor oil, used cooking oil, sludge or biohazardous waste from the medical industry. Methods for separating, collecting and processing these vary. Although these are currently incinerated, ongoing innovation in the medical field is focused on finding new ways to reduce waste, for example recycling plastic from surgical waste by sterilization before recycling.

TRASH 2 CASH

TIRES & RUBBER

Did you know?

In 2019, Parkietenbos received 506 tons of tires, and in 2020 it received 423 tons. We currently have the technology and expertise in Aruba to recycle tires to produce energy.

TRASH 2 CASH

PALLETS & WOOD

Did you know?

In 2019, the volume of pallet wood and plant-based waste that was received by Parkietenbos was 15,411 tons, and 9,088 tons in 2020. Although we do not have exact figures for the volume of these separately, in the short-term pallet wood can be recycled or incinerated depending on the quality and treatment of the wood.

TRASH 2 CASH

GARDEN WASTE

Did you know?

In 2019, the volume of pallet wood and plant-based waste that was received by Parkietenbos was 15,411 tons that come from different sources.

If we could separate these, our garden waste could be shredded to produce mulch for the agricultural sector. Composting combined with certain types of food waste could also be an opportunity to eliminate this waste stream to Parkietenbos.

TRASH 2 CASH

COMPOST

Departamento di Salud Publico: UPDATE 4 DI MAART 2022

Segun resumen semanal di awe diabierna 44 persona a recupera den e siman aki y un total di 48 caso nobo di COVID-19 a keda registra.
Esaki ta casi 10 caso average pa dia (5 dia).
E cantidad di casonan activo di COVID-19 pa awe ta 58 y cantidad di fayecidonan relaciona cu COVID-19 a aumenta na 212. Condolencia y Forsa na famia di e fayecido. Datos

ta ilustra casonan nobo di COVID cu un averahe semanal di 9 caso pa dia y un averahe di 'Positivity rate' semanal di 23% pa dia.
Actualmente na Aruba tin 4 persona interna cu of debi na COVID di cual den ICU tin 1 persona y riba piso general tin 3. Na Colombia tin actualmente 5 persona den ICU y ninguno (0) riba piso general.

4/3/2022	TOTAL	RESIDENTE	NO-RESIDENTE
Casonan Nobo	48	34	14
Activo	58	46	12
Recupera	33462	28942	4520
Positivo	33732	29195	4537
Morto	212	207	5
Vacuna	87483	-	-
Hospitalisa	4	-	-
AUA			
ICU	7	-	-
AUA	COL	1	6

HABITONAN PA KEDA
Saludabel
DEN TEMPO DI COVID-19 Y VACUNACION





MINISTERIO DI TURISMO,
SALUBRIDAD PUBLICO
Y DEPORTE



DIETIE VOLKSGEZONDHEID



PA NOS POR
progresar

Drumi suficiente y determina bo orario!

Cuida bo oranan di soño. Drumi bon ta beneficioso pa bo salud. Purba tin un orario regular pa drumi anochi y lanta mainta. Muchanan mester drumi entre 10 pa 14 ora pa asina mehora e caracter, e memoria, e creatividad y regula nan organismo positivamente. Un adulto mester drumi minimo 7 ora pa anochi, pa asina su sistema completo por traha optimal. Pa combati COVID-19 bo mester mantene bo salud y vacuna, ya cu ta comproba cu e vacuna tin un efectividad halto pa proteha bo y evita transmision. Ban uza tur e hermentnan cu nos tin pa caba cu e virus aki na nos isla!

Ami SI
ta vacuna!





Mantene 1.5M
minimo di distancia



Laba man
frecuentemente



Uza tapa boca
paden di tur luga

VACUNA!

20
22 | AÑA DI
INVERSION Y
OPORTUNIDAD



E OPORTUNIDADNAN DI MAS GRANDI,
TA REKERI ESFUERSONAN MAS GRANDI.
UZA BO TEMPO PA INVENTA Y
CREA OPORTUNIDADNAN PRODUCTIVO.
Y MIENTRAS CU BO TA WARDANDO RESULTADO,
TIN FE CU NA FINAL,
BO ESFUERSONAN LO WORDO RECOMPENSA!

Feliz Fin di Siman!